

内閣文庫			
品番	漢	3S20	
冊数	3	1	
品番	319	130	

319-130



100-1000

唐詩分韻選序

唐詩無選法深於唐者以宗法

選之宗而選是祖也祖者賢

中擇賢聖中擇聖必不得已而

後祖猶之宗也彼李杜高岑王

孟諸人其飛沈舒促濃淡悲愉判
若白黑其流派如元白淺而思入不
可律郊島韋沈冲而思盡不可律
藉建温許冶而思雅不可律盧劉
至若韓柳之詰崛長吉之幽險又

各為一宗溯源尋流在選者善施
之而正且一其宗選寧無法也迺
獲周莊先生閩中快士屈長才叅
軍武林牢騷非韻投壺散帙山水
自娛暇與陳彛仲刻韻商詩翻秋

卷第一
露而揆春葉、短劉濤而剽賈壘、
因日取諸唐詩、拔其尤者、從韻受
集、便學詩人、按圖索駿、習久生巧、
不必再披韻部、一展卷而得之、政如
匡鼎朗、論詩解頤、多士遂為不



利之案、昔昭明選漢魏六朝語客
曰大毛小毛、尼山刪而後、經茲選、何
能無望、叅軍今日之役、迨倣昭明而
仰止、尼山者乎、無選法中、開一鈔法、
廣摭約取、俾唐詩仍統、正宗叅軍

業不朽矣余喜而題之亦藉不朽

於參軍焉耳時

天啟甲子餞春日錢唐朱五芳夢錫

父醉題于墨酣齋中



唐詩類韻臆選卷一

閩福唐莊世召定甫父輯

浙錢塘徐仲彥雋甫父

聞人宗聖允時父全訂

一東 七言絕句

蕭駙馬宅花燭

王昌齡

青鸞飛入合歡宮紫鳳啣花出禁中可憐今夜

千門裏銀漢星回一道通

獻封大夫破播仙凱歌 岑 參

漢將承恩西破戎捷書先奏未央宮天子豫開

麟閣待祗今誰數貳師功

登樓寄王卿 常應物

踏閣攀林恨不同楚雲滄海思無窮數家砧杵

秋山下二郡荆榛烟雨中

綺繡宮 王建

玉樓傾側粉墻空重叠青山繞故宮武帝去來
紅袖盡野花黃蝶領春風

江南春

千里啼鶯綠映紅水村山郭酒旗風南朝四百
八十寺多少樓臺烟雨中

四皓廟 李商隱

本為留侯慕赤松漢庭方識紫芝翁蕭何只解
追韓信豈料虛當第一功

意是

過楚宮

巫峽迢迢舊楚宮至今雲雨暗丹楓浮生盡戀
人間樂只有襄王憶夢中

采蓮曲

白居易

菱葉紫波荷颭風荷花深處小船通逢郎却語
低頭笑碧玉搔頭落水中

齊安郡中偶題

杜牧

兩竿落日谿橋上半縷輕烟柳影中夕少綠荷

相倚恨一時回首背西風

念昔遊

李白題詩水西寺古木回巖樓閣風半醒半醉
遊三日紅白花開烟雨中

吳城覽古

陳羽

吳王舊國水烟空香徑無人蘭葉紅春色似憐
歌舞地年年先發館娃宮

送齊山人歸長白山

韓羽

臆邊
三
舊事山人白兔公，掉頭歸去又乘風。柴門流水
依然在一路，寒山萬木中。

醉後題僧寺

杜牧

艤船一棹百分空，十歲青春不負公。今日鬢絲
禪榻畔，茶烟輕颭落花風。

湘江夜泛

吳融

江流如箭月如弓，行盡三湘數夜中。無柰子規
啼向蜀，一聲一侶怨春風。

重過文上人院

李涉

南隨越鳥北燕鴻，松月三年別遠公。無限心中
不平事，一宵清話又成空。

魏簡能東遊

李涉

獻賦論兵命未通，却乘羸馬出關東。灞陵原上
重回首，十載長安似夢中。

南史感遇

司空圖

佳人自折一枝紅，把唱新詞曲未終。唯向眼前

憐易落不如拋擲任春風

濟江問舟子

孟浩然

潮落江平未有風，輕舸共濟與君同。
時時引領望天末，何處青山是越中。

惆悵詞

王之渙

謝家池館花籠月，蕭寺房廊竹飈風。
夜半酒醒凭檻立，所思多在別離中。

其二

夢裏分明入漢宮，覺來燈背錦屏空。
紫臺月澹

關山曉，腸斷君王信，画工

宮詞

王涯

曛、日出大明宮，天樂遙聞在碧空。
禁樹無風正和暖，玉樓金殿曉光中。

漢宮曲

韓羽

漢室長陵小市中，珠簾綉戶對春風。
君王昨日移仙仗，玉輦將迎入漢宮。

秋下荆門

李白

霜落荆門烟樹空，布帆無恙挂秋風。此行不為鱸魚膾，自愛名山入剡中。

少年行

五陵年少金市東，銀鞍白馬度春風。落花踏盡遊何處，笑入胡姬酒肆中。

春怨

白馬金羈遼海東，羅帷綉被卧春風。落花月低軒

窺燭盡，飛花入戶笑床空。

上皇西巡南京歌

華陽春樹踈新豐，行入新都若舊宮。柳色未饒秦地綠，花光不減上陽紅。

戲為

杜甫

才力應難跨數公，凡今誰是出羣雄。或看翡翠蘭苕上，未掣鯨魚碧海中。

解悶

泥范早知何水部，曹劉不待薛郎中。
獨當省署開文苑，兼泛滄浪學釣翁。

贈李白

秋來相顧尚飄蓬，未就丹砂愧葛洪。
痛飲狂歌空度日，飛揚跋扈為誰雄。

江畔獨步尋花

黃師塔前江水東，春光懶困倚微風。
桃花一簇開無主，可愛深紅愛淺紅。

題百葉桃花

韓愈

百葉雙桃晚更紅，窺憲映竹見玲瓏。
應知侍史歸天上，故伴仙郎宿禁中。

桃林夜賀晉公

西來騎火照山紅，夜宿桃林臘月中。
手把命珪兼相印，一時重叠賞元功。

二冬 七言絕句

宮中詞

王建

金殿當頭紫閣重，仙人掌上玉芙蓉。
太平天子朝元日，五色雲車駕六龍。

栢林寺南望

郎士元

谿上遙聞精舍鐘，泊舟微徑度深松。
青山霽後雲猶在，盡出西南三四峯。

元和甲午歲詔書盡徵江湘逐客，余自

武陵赴京宿於都亭有懷續耒諸君子
雷雨江湖起卧龍武陵樵客躡仙蹤
十年楚水楓林下今夜初聞長樂鐘

憶住一師

李商隱

無事經年別遠公帝城鐘曉憶西峯
爐烟銷盡寒燈晦童子開門雪滿松

秋思

張籍

洛陽城裏見秋風欲作家書億萬重
渡恐匆匆

說不盡行人臨發又開封

寄李渤

五渡溪頭躑躅紅嵩陽寺裏講時鐘
春山處處行應好一月看花到幾峰

開元寺

李涉

宿雨初收草木濃群鴉飛散下堂鐘
長廊無事僧歸院盡日門前獨看松

登廬山五老峰

李白

廬山東南五老峯青天削出金芙蓉九江秀色
可攬結吾將此地巢雲松

清平調詞

雲想衣裳花想容春風拂檻露華濃若非辟玉
峰頭見會向瑤臺月下逢

三江 五言絕句

遺響 獨酌

社 牧

憲外正風雪擁爐開酒缸如何釣船兩篷底睡
秋江

巴江柳

李商隱

巴江可惜柳柳色綠侵江好向金鑿殿移陰入
綺憲

四支 七言絕句

送別

王維

送君南浦淚如絲
君向東州使我悲
為報故人憔悴盡
如今不似洛陽時

明妃詞

儲光羲

胡王知妾不勝悲
樂府皆傳漢國辭
朝來馬上瑩篔引
稍似宮中間夜時

長信秋詞

意選

真成薄命久尋思，夢見君王覺後疑。
火照西宮知夜飲，分明復道奉恩時。

對月吞元明府

戴叔倫

山下孤城月上遲，相留一醉本無期。
明年此夕遊何處，縱有清光知對誰。

湘南即事

蘆橘花開楓葉衰，出門何處望京華。
沅湘日夜東流去，不為愁人住少時。

汴州聞角

何處金笳月裏悲，悠悠邊客夢先知。
單于城上關山月，今日中原總解吹。

和煉師索秀才楊柳

楊巨源

水邊楊柳綠烟絲，立馬煩君折一枝。
惟有東風最相惜，殷勤更向手中吹。

上陽宮

竇庠

愁雲漠漠草離離，太乙勾陳處處疑。
日暮毀垣

春雨裏殘花猶發萬年枝

楊柳枝詞

劉禹錫

花萼樓前初種時美人樓上闌腰肢如今拋擲
長街裏露葉如啼欲恨誰

有感

李商隱

昨聞宋玉香微詞自是襄王夢覺遲一自高唐
賦成後楚天雲雨盡堪疑

夜雨寄北

君問歸期未有期巴山夜雨漲秋池何當共剪
西窗燭却話巴山夜雨時

九日

韋應物

今朝把酒淚惆悵憶在杜陵田舍時明年此夕
知何處世難還家未有期

昌谷北園新筍

斫取青光寫楚辭膩香春粉黑離人無情奈恨
何人見露壑烟啼千萬枝

意選

十三

楊柳枝

白居易

紅板江橋青酒旗，館娃宮暖日斜時。
可憐兩歇東風定，萬樹千條各自垂。

邠王小管

張祐

號國潛行韓國隨，宜春深院鬪花枝。
金輿遠幸無人見，偷把寧王小管吹。

送宋處士歸山

許渾

賣藥修琴歸去遲，山風吹盡桂花枝。
世間甲子

須臾事，逢看仙人莫看棋。

東還

李商隱

自有仙才自不知，十年長夢采華芝。
秋風動地黃雲暮，歸去嵩陽尋舊師。

送溫台

朱放

渺々天涯君去時，浮雲流水自相隨。
人生一世長如客，何必今朝是別離。

重贈商玲瓏兼寄樂天

元稹

休遣玲瓏唱我辭，豕辭多是寄君詩。明朝又向江頭別，月落潮平是去時。

柳枝詞

韓琮

枝鬪纖腰葉鬪眉，春來無處不成絲。灞陵原上多離別，少有長條拂地垂。

宿村家亭子

賈島

床頭枕是谿中石，井底泉通竹下池。宿客未眠過夜半，獨聞山雨到來時。

過襄陽寄上于司空頓 李涉

方城漢水舊城池，陵谷依然世自移。歇馬獨來尋故事，逢人惟說峴山碑。

寄山僧

張喬

大道本來無所染，白雲那得有心情。遠公獨刻蓮花漏，猶向山中禮六時。

自河西歸山

司空圖

水閣風驚去路危，孤舟欲上更遲遲。鶴群長繞

三珠樹不借人間一隻騎

十日菊

鄭谷

節去蜂愁蝶不知曉庭還繞折殘枝自緣今日
人心別未必秋香一夜衰

寄友

野水晴山雪後時獨行村路更相思無因一向
溪橋醉處寒梅映酒旗

舊宮人

劉得仁

白髮宮娃不解悲滿頭猶自挿花枝曾緣玉貌
君王寵準擬人看似舊時

春晚遊鶴林寺

李涉

野寺尋花春已遲背岩唯有兩三枝明朝携酒
猶堪賞為報春風且莫吹

烏江項羽廟

勝敗兵家不可期包羞忍恥是男兒江東子弟
多豪俊卷土重來未可知

折楊柳宮詞

溫庭筠

陌上河邊千萬枝，怕寒愁雨盡低垂。
黃金穗短人多折，已恨東風不展眉。

寫懷

高駢

花滿西園月滿池，笙歌搖拽画舫移。
于今暗與心相約，不動旌旗動酒旗。

看花

羅鄴

花開只恐看來遲，及到愁如未看時。
家在楚鄉

身在蜀，一年春色負歸期。

王昭君

白居易

漢使却回憑寄語，黃金何日贖蛾眉。
君王若問妾顏色，莫道不如宮裏時。

晏起

韋莊

近來中酒起常遲，卧看南山改舊詩。
開戶日高春寂寂，數聲啼鳥上花枝。

漢苑行

王涯

回鴈高飛太液池新花低發上林枝年光到處
皆堪賞春色人間總未知

黃鶴樓

鍾離先生

黃鶴樓前吹笛時白蘋紅蓼滿江湄衷情欲訴
無人會只有清風明月知

竹枝詞

劉禹錫

巫峽蒼々烟雨時清猿啼上最高枝箇裏愁人
腸自斷由來不是此聲悲

楊柳枝詞

城外春風吹酒旗行人揮袂日西時長安陌上
無窮樹惟有垂楊管別離

有所嗟

庾令樓中初見時武昌春柳似腰肢相逢相識
盡如夢為雨為雲今不知

曲江春望

盧綸

菖蒲翻葉柳交枝暗上蓮舟鳥不知更到蘆花

最深處玉樓金殿影參差

送外甥鄭灌從軍

李白

月蝕西方破敵時及瓜歸日未應遲
斬胡血變黃河水梟首當懸白鵲旗

永王東巡歌

永王正月東出師天子遙分龍虎旗
樓船一舉風波靜江漢翻為鴈鷺池

上皇西巡南京歌

萬國同風共一時錦江何謝曲江池
石鏡更明天上月後宮親得照娥眉

中丞嚴公雨中垂寄見憶一絕奉答

雨映行宮辱贈詩元戎肯赴野人期
江邊老病雖無力強擬晴天理釣絲

解悶

李陵蘓武是吾師孟子論文更不疑
一飯未嘗延俗客數篇今見古人詩

解問

憶過瀘戎摘荔枝青楓隱映石逶迤京中舊見
君顏色紅顆酸甜只自知

五微 七言絕句

明妃詞

儲光羲

日暮驚沙亂雪飛傍人相勸易羅衣強來前殿
看歌舞共待單于夜獵歸

送客還幽州

李益

惆悵秦城送獨歸蒹門烟樹遠依依秋來莫射
南來鴈縱遣乘風更比飛

訪隱者不遇

李商隱

城郭住過識者稀
哀猿啼處有柴扉
滄江白石
漁樵踏日暮
歸來雨滿衣

齊安郡後池

杜牧

菱透浮萍綠錦池
夏鶯千轉弄薔薇
盡日無人
看微雨
死央相對浴紅衣

漢江

溶溶漾漾白鷗飛
綠盡春深好染衣
南去北來
人自老
夕陽長送釣船歸

早發破訥沙

李益

破訥沙頭鴈正飛
鷓鴣泉上戰初歸
平明日出
東南地滿積
寒光生鐵衣

塞下曲

張仲素

陰磧茫茫塞草腓
桔槔原上暮烟飛
交河北望
天連海蘓武
曾時漢節歸

秋閨思

碧窓斜月藹深輝
秋聽寒蛩淚濕衣
夢裏分明

見閑塞不知何路向金微

公子行

雍陶

公子風流輕錦綉新裁白苧作春衣金鞭留當誰家酒拂柳穿花信馬歸

長信宮

孟遲

君恩已盡欲何歸猶有殘香在舞衣自恨身輕不如燕春來還遶御簾飛

閨情

山上有山歸未得湘江暮雨鷓鴣飛薜蘿亦是

王孫草莫送春香入客衣

君不來

方干

遠路東西欲問誰寒來無處寄寒衣去時初種庭前樹樹已勝巢人未歸

靈巖寺

趙嘏

館娃宮畔千年寺水濶雲多客到稀聞說春來倍惆悵百花深處一僧歸

社日

王駕

鵝湖山下稻梁肥，豚柵雞埘半掩扉。
春社散家，扶得醉人歸。

香山館聽子規

竇常

楚塞餘春聽漸稀，斷猿今夕讓沾衣。
空山裏，彷彿千聲一度飛。

送友人之上都

僧法振

玉帛徵賢楚客稀，猿啼相送武陵歸。
潮頭望入

桃花去，一片春帆帶雨飛。

暮夜歸故山草堂

錢起

谷口春殘黃鳥稀，辛夷花盡杏花飛。
山窻下，不改清陰待我歸。

別雨溪

李涉

如雲不厭蒼梧遠，似鴈逢春又北飛。
溪上月，年々相望兩依依。

憶故園

顧况

意是

在

惆悵多山人復稀。杜鵑啼處淚沾衣。故園此去
千餘里。春夢猶能夜、歸。

送盧起居

武元衡

相如擁傳有光輝。何事闌干淚濕衣。舊府東山
餘妓在。重將歌舞送君歸。

宮詞

新鷹初放兔猶肥。白日君王在內稀。薄暮千門
臨欲鎖。紅妝飛騎向前歸。

過上人蘭若

孟浩然

山頭禪室掛僧衣。窻外無人越鳥飛。黃昏半在
下山去。却聽松聲聽翠微。

陪族刑部侍郎曄及中書舍人賈至遊

洞庭

李白

洞庭湖西秋月輝。瀟湘江北早鴻飛。醉客滿船
歌白紵。不知霜露入秋衣。

越中覽古

越王句踐破吳歸，義士還家盡錦衣。
宮女如花滿春殿，只今惟有鷓鴣飛。

別內越徵

出門妻子強牽衣，問我西行幾日歸。
歸來儻佩黃金印，莫學蘓秦不下機。

從軍行

百戰沙場碎鐵衣，城南已合數重圍。
突營射殺呼延將，獨領殘兵千騎歸。

絕句

杜甫

楸樹馨香倚釣磯，斬新花葉未應飛。
不知醉裏風吹盡，可忍醒時打雨稀。

鎮州初歸

韓愈

別來楊柳街頭樹，擺弄春風只欲飛。
還有小園桃李在，留花不發待郎歸。

柳口又贈

山作劍攢江瀉鏡，扁舟上轉疾如飛。
回頭笑向

張公子終日思歸此日歸

晚春

草樹知春不久歸，百般紅紫鬥芳菲。
楊花榆莢無才思，惟解漫天作雪飛。

六魚 七言絕句

簇拍陸州

蓋嘉運

西去輪臺萬里餘，故鄉音耗日應疎。
隴山鸚鵡能言語，為報家人數寄書。

玉閔寄長安主簿

岑參

東去長安萬里餘，故人那惜一行書。
王閔西望腸堪斷，况復明朝是歲除。

寄蕭三十三赴歙州昏期僕客揚州早

春書寄

李賀

誰上客情殊冷落，蠻方春早客何如。相思莫道無來使，回鴈峯前好寄書。

寄令狐郎中

李商隱

嵩雲秦樹久離居，雙鯉迢迢一紙書。休問梁園舊賓客，茂陵秋雨病相如。

閒居雜興

一顧成周力有餘，白雲寒釣一溪魚。中原莫

道無麟鳳，自是皇家結網疎。

老圃堂

薛能

邵平瓜地接吾廬，穀雨乾時偶自耰。昨日春風欺不在，就牀吹落讀殘書。

秋日過貞太祝林園

李涉

望水尋山二里餘，竹林斜到地仙居。秋光何處堪消日，玄晏先生滿架書。

焚書坑

竇庠

竹帛烟消帝業虛，
閑河空鎖祖龍居。
坑灰未冷山東亂，
劉項元來不讀書。

江南

陸龜蒙

村邊紫莖花隨火，
岸上紅梨葉戰初。
莫怪烟中重回首，
酒旗青紵一行書。

山中寄友人

李九齡

亂雲堆裏結茅蘆，
已共紅塵跡漸疎。
若問野人生計事，
窓前流水枕前書。

古意

耿滯

雖言千騎上頭居，
一世生離恨有餘。
葉下綺窓銀燭冷，
含啼自草錦中書。

七虞 七言絕句

聽曉角

李益

邊霜昨夜墮關榆，吹角江城片月孤。
無限塞鴻飛不度，西風吹入小單于。

古意

王駕

夫戍蕭關妾在吳，西風吹妾妾憂夫。
一行書信千行淚，寒到君邊衣到無。

已亥歲

曹松

澤國江山入戰圖，生民何計樂樵蕪。
憑君莫話封侯事，一將功成萬骨枯。

湘妃廟

李羣玉

少將風月怨平湖，見盡扶桑水到枯。
相約杏花壇上去，畫欄紅紫闋樗蒲。

上皇西巡南京歌

李白

九天開出一城都，萬戶千門入畫圖。
草樹雲山如錦繡，秦川得及此間無。

早春呈水部張十八員外

韓愈

天街小雨潤如酥，草色遙看近却無。
最是一年春好處，絕勝烟柳滿皇都。

八齊 七絕

同金壇令武平一退朝 儲光羲

花潭竹嶼傍花蹊画戟浮空入夜溪
菱荷覆水船難進歌舞番人月易低

別李浦之京 王昌齡

故園今在灞陵西江畔逢君醉不迷
小弟憐庄尚漁獵一封書寄數行啼

柳州二月榕葉盡落偶成 柳宗元

宦情羈思共凄々，春半如秋意轉迷。
山城過雨百花盡，榕葉滿庭鶯亂啼。

送蜀客

張籍

蜀客南行聽碧雞，木棉花發錦江西。
山頭日晚行人少，時見猩猩樹上啼。

涼州詞

邊城暮雨鴈飛低，芦笋初生漸欲齊。
無數鈴聲遙過磧，應馱白練過安西。

宣州開元寺

杜牧

松寺曾同一宿，栖夜深臺殿。
月高低，何人為倚東樓桂，正是千山雪漲溪。

宮人斜

雍裕之

幾多紅粉委黃泥，野鳥如歌又似啼。
應是春魂化為燕，年年飛入未央栖。

竹枝詞

李涉

十二峰頭月欲低，空濤灘上子規啼。
孤舟一夜

東歸客泣向東風憶建溪

香風詞

崔國輔

洛陽梨花落如霰河陽桃葉生復齊坐怨玉樓
春欲盡紅棉衫絮裏收啼

臺城

韋莊

江雨霏、江草齊六朝如夢鳥空啼無情最是
臺城柳依舊烟籠十里堤

行次漢上

僧奩本

習家池沼草淒淒嵐樹光中信馬啼漢王廟前
湘水碧一聲風角夕陽低

天馬詞

張仲素

蹀躞宛駒齒未齊樞金噴玉向風嘶來時行盡
金河道獵、輕風在碧蹄

竹枝詞

白居易

瞿塘峽口冷烟低白帝城頭月向西唱到竹枝
聲咽處寒猿晴鳥一時啼

又

巴東舡舫上巴西波面風生兩脚齊水蓼冷花
紅簇、江離濕葉碧萋、

送客之上党

韓 棚

宮柳青、匹馬嘶回風暮雨入銅鞮佳期別在
春山裡應是人參五葉齊

宿石邑山中

韓 棚

浮雲不共吐山齊山靄蒼、望轉迷曉月暫飛

千樹裏秋河隔在數峯西

送李判官之潤州行營

劉長卿

萬里辭家事鼓早金陵驛路楚雲西春江不肯
留歸客草色青、送馬蹄

春怨

劉方平

朝日殘鶯伴妾啼開簾只見草萋、庭前時有
東風入楊柳千條盡向西

聞王昌齡左遷龍標遙有此寄 李白

揚花落盡子規啼。聞道龍標過五溪。我寄愁心與明月，隨風直到夜郎西。

別內赴啟

翡翠為樓金作梯。誰人獨夜倚門啼。夜坐寒燈連曉月，行淚盡楚關西。

與謝良輔遊涇川陵嚴寺

乘君素舸泛涇西。宛似雲門對若溪。且泛康樂尋山水，何必東遊入會稽。

送外甥鄭灌泛軍

丈人蛇矛出隴西。弯弧拂箭白猿啼。破胡必用龍韜策，積甲應將熊耳齊。

東魯門泛舟

水作青龍盤石堤。桃花夾岸魯門西。若教月下乘舟去，何啻風流到判溪。

江畔獨步尋花

黃四娘家花滿溪。千朵萬朵壓枝低。留連戲蝶

時、舞自在嬌鶯恰啼

晚次宣溪辱韶州張端公使君惠書教

別酬以絕句 二首之二

韓愈

韶州南去接宣溪雲水蒼茫日向西客淚數行

原自落鷓鴣休傍耳邊啼

十灰 七絕

戲題盤石

可憐盤石隣泉水渡有垂楊覆酒杯若道春風
不解意因何吹送落花來

采蓮曲

王昌齡

荷葉羅裙一色裁芙蓉向臉兩邊開亂入池中
看不見聞歌始覺有人來

酬柳郎中春日歸揚州南郭見別韋應物

廣陵三月花正開，
春裡逢君醉一迴。
南江相過殊不遠，
暮潮從去早潮來。

長信宮

李端

金壺漏盡禁門開，
飛燕昭陽待寢回。
隨分獨眠秋殿裡，
遙聞呖語自天來。

南遊感興

傷心欲問前朝事，
惟見江流去不回。
日暮東風春草綠，
鷓鴣飛上越王臺。

自朗州至京戲贈看花諸君子

劉禹錫

紫陌紅塵拂面來，
無人不道看花回。
玄都觀裏桃千樹，
盡是劉郎去後栽。

再遊玄都觀

百畝庭中半是苔，
桃花淨盡菜花開。
種桃道士歸何處，
前度劉郎今又來。

石頭城懷古

山圍故國周曹在，
潮打空城寂寞回。
淮東水邊

舊時月夜深還過女牆來

瑤池

李商隱

瑤池阿母綺窗開
更菊秋聲動地哀
八駿日行三萬里
穆王何事不重來

長信秋詞

王昌齡

奉帚平明金殿開
且將團扇暫徘徊
玉顏不及寒鴉色
猶帶昭陽日影來

漢宮詞

李商隱

青雀西飛竟未回
君王長在集靈臺
侍臣最有相如渴
不賜金莖露一杯

歸鴈

錢起

瀟湘何事等閑回
水碧沙明兩岸苔
二十五絃彈夜月
不勝清怨却飛來

銅雀臺

薛能

魏帝當時銅雀臺
黃荅深映棘叢開
人生富貴須回首
此地豈無歌舞來

賦選

三十一

天馬詞

張仲素

天馬初從渥水來，教曾唱得濯龍媒。不知玉塞沙中踏，首藉花殘几度開。

緱山廟

許渾

王子求仙月滿臺，玉簫清轉宦徘徊。曲終飛去不知處，山下碧桃春自開。

下第後上高御史

高蟾

天上碧桃和露種，日邊紅杏倚雲栽。芙蓉生在

秋江上，不向東風怨未開。

過華清宮

杜牧

長安回望繡成堆，山頂千門次第開。一騎紅塵妃子笑，無人知是荔枝來。

贈楊八副使赴湖南見寄

劉禹錫

知爾元南剝楚材，遠勞書信到陽臺。明朝若上君山望，一道巴江自北來。

送客

意選

三十一

沅水羅紋海燕回。柳條牽恨到荆臺。定知行路
斜陽裡。故郢城邊。見落梅。

花中逢雪應制

宋之問

紫禁仙輿詔旦來。旌旗遙倚望春臺。不知庭雪
今朝落。疑是林花昨夜開。

東都望幸

章碣

嬾修珠翠上高臺。眉月連娟恨不開。縱使東巡
也無益。君王自帶美人來。

涼州詞

王翰

葡萄美酒夜光杯。欲飲琵琶馬上催。醉卧沙場
君莫笑。古來征戰幾人回。

聽角思歸

顧况

故園黃葉滿青苔。夢後城頭曉角哀。此夜斷腸
人不見。幾行殘月影徘徊。

楚宮怨

許渾

十二山晴花盡開。楚宮雙闕對陽臺。細腰爭舞

君王醉白日秦兵江上來

夜上西城聽涼州曲

李益

鴻鴈新從此地來聞聲一半却飛回
金河戍客腸應斷更在秋風百尺臺

長安晴望

杜牧

翠屏山對鳳城開碧落搖光霽後來
回識六龍巡幸處飛烟寒繞望春臺

橫江詞

李白

月暈天風霧不開海鯨東蹙百川迴
驚波一起三山動公無渡河歸去來

永王東巡歌

二帝巡遊俱未迴五陵松柏使人哀
諸侯不救河南地更喜賢王遠道來

其八

長風掛席勢難迴海動山傾古月催
君看帝子浮江日何似龍驤出峽來

上皇西巡南京歌

胡塵輕拂建章臺。聖主西巡蜀道來。劍壁門高五千尺。石為樓閣九天開。

送外甥鄭灌從軍

六博爭雄好彩來。金盤一擲萬人開。丈夫賭命報天子。當斬胡頭衣錦回。

山中與幽人對酌

一盃一盃復一盃。兩人對酌山花開。我醉欲眠

君且去。明朝有意抱琴來。

東魯門泛舟

日落沙明天倒門。波搖石動水濛濛。輕舟泛月尋溪轉。疑是山陰雪中来。

韓愈

訓王二十舍人雪中見寄

三日柴門擁不開。堦平庭滿白皚皚。今朝蹋作瑯瑤跡。為有詩從鳳沼來。

月送

日三

[Faint bleed-through text from the reverse side of the page]

十一真四七絕

送元二使安西

渭城朝雨浥輕塵，客舍青青柳色新。
勸君更盡一杯酒，西出長安無故人。

九日憶山東兄弟

獨在異鄉為異客，每逢佳節倍思親。
遙知兄弟登高日，遍插茱萸少一人。

寒食記上

意是

四三

廣武城邊逢暮春，汶陽歸客淚沾巾。
落花寂寂啼山鳥，楊柳青青渡水人。

峽口送友

峽口花飛欲盡春，天涯去住淚沾巾。
來時萬里同為客，今日翻成送故人。

送呂少府

共醉流芳獨歸去，故園高士日相親。
深山古路無楊柳，折取桐花寄遠人。

江南意

聞道江邊採白蘋，還隨女伴賽江神。
衆中不敢分明語，暗擲金錢卜遠人。

山路見花

曉紅飄折露香新，獨立空山冷笑春。
人意自知無主惜，恁風吹逐馬蹄塵。

城東早春

詩家新景在新春，綠柳纒黃半未勻。
若待上林

花似錦出門俱是看花人

題道觀

莫恠追歡笑語頻尋思離亂可傷神問來屈指
從頭數得到清平有幾人

重別曾主卜貽同餞妓女

泪沿紅粉濕羅巾重繫蘭舟勸酒頻留却一枝
河畔柳明朝猶有遠行人

江上別李秀才

前年相送灞陵春今日天涯各避秦莫向尊前
惜沉醉與君俱是異鄉人

經故袁學士居

溫庭筠

劍逐驚波玉委塵謝安門下更何人西州城外
花千樹盡是羊曇醉后春

與澁弟同下第出關言別

蘆綸

同作金門獻賦人二年悲見故園春到關不帶
新雨露還家空帶舊風塵

春咏

雍陶

風惱花枝不耐頻，等閑花落易愁人。
動輒最是章臺柳，萬樹千枝管帶春。

洛陽春末送

錄事

劉禹錫

尊前花下長相見，明日忽為千里人。
君過午橋回首望，洛陽猶似有殘春。

送客貶五溪

韓翃

南過猿聲一逐臣，回看秋草泪沾巾。
寒天暮雨

空山裡，絕處蠻家是主人。

瓜州送朱萬言

渡頭風晚葉飛頻，君去還疑我入秦。
雙泪別家猶未斷，不堪仍送故鄉人。

東陽酒家贈別

天涯方嘆異鄉身，又向天涯別故人。
明日五更孤店月，醉醒何處各沾巾。

隴西行

誓掃匈奴不顧身，五十貂錦喪胡塵。可憐無定河邊骨，猶是香閨夢裡人。

答湖州迎葉司馬問白是何人

青蓮居士謫仙人，酒肆藏名三十春。湖州司馬何須問，金粟如來是後身。

贈李十二

我是瀟湘放逐臣，君辭明主漢江濱。天外常求太白老，金陵捉得酒仙人。

蘓臺覽古

舊苑荒臺楊柳新，菱歌欸清唱不勝春。只今惟有西江月，曾照吳王宮裡人。

長門怨

桂殿長愁不記春，黃金四壁起秋塵。夜懸明鏡秋天上，獨照長門宮裡人。

贈段七娘

羅襪凌波生網塵，那能得計訪清親。千杯綠酒

何辭醉一面紅粧惱殺人

橫江詞

橫江西望阻西秦漢水東流楊子津白浪如山
那可渡狂風愁殺峭帆人

上皇西巡南京歌

水綠天青不起塵風光和暖勝三春萬國烟花
隨玉輦西來添得錦江春

出妓金陵子呈盧六

安石東山三十春傲然携妓出風塵樓中見我
金陵子何似陽臺雲雨人

與賈島閒遊

水北原南草色新雪消風暖不生塵城中車馬
應無數能解閒行有幾人

楊柳枝詞

楊帝行宮汴水濱數株殘柳未勝春晚來風起
花如雪飛入宮牆不見人

感春

遠客悠々在病身。誰家池上又逢春。明年各自
東西去。此地看花是別人。

鄴宮

花飛蝶駭不愁人。水殿雲廊別置春。曉日靚粧
千騎女。白櫻桃下紫綸巾。

黃陵廟

黃陵廟前莎草春。黃陵兒女茜裙新。輕舟短棹

唱歌去。水遠山長愁殺人。

涼州曲

關山萬里遠征人。一望關山泪滿巾。青海樓頭
空有月。黃沙磧裡本無春。

華清宮

門橫金鎖悄無人。落日秋声渭水濱。紅葉下山
愁寂々。濕雲如夢雨如塵。

長門怨

長門花泣一枝春，爭奈君恩別處新。錯把黃金買詞賦，相如自是薄情人。

湘上與友人別

楊子江頭楊柳春，楊花愁殺渡江人。數聲楓笛離亭晚，君向瀟湘我向秦。

息夫人廟

細腰宮裡露桃新，脈脈無言度幾春。至竟息亡緣底事，可憐金谷墜樓人。

醉后口號

春草秋風老此身，一瓢長醉任家貧。醉來還愛浮萍艸，漂寄閑河不屬人。

十二文 七絕

送魏十六還蘇州

皇甫冉

清夜沉沉此送君，陰蟲切切不堪聞。
孤舟明日昆陵道，回首始知是白雲。

山店

盧倫

登々山路何時盡，泱泱溪流到處聞。
風動葉聲山犬吠，幾家松火隔秋雲。

猷封大夫破播仙凱歌

意

三

鳴笳疊鼓擁回軍，破國平蕃昔未聞。天天鵲印
搖邊月，大將龍旂掣海雲。

贈楊鍊師

鮑溶

紫烟衣上繡春雲，清隱山書小篆文。明月在天
將鳳管，夜深吹向玉宸君。

送王甲三十校書分司商隱

多少春曹掌秘文，洛陽花雪夢隨君。定知何處
緣聯句，每到城東憶范雲。

澗州江上別李秀才 韋 壯

千山紅樹萬山雲，把酒相看日又曛。一曲離歌
兩行淚，不知何地更逢君。

贈侯山人

熊孺登

一見清容愜素聞，有人傳是紫陽君。來時玉女
裁春服，剪破湘山幾片雲。

送商能東遊

李 涉

燕市悲歌又送君，目隨征雁過寒雲。郵亭宿處

時看劍莫使塵埃蔽斗文

觀妓入道

巨源

碧玉芳年事冠軍清歌空得隔花聞
春來削髮芙蓉寺蟬鬢臨風墮綠雲

送麴司直

郎士元

曙雪蒼蒼兼曙雲朔風燕馬不堪聞
貧交此地無他贈惟有青山遠送君

發渝州却寄書判官

司空曙

紅燭津亭夜見君繁絃急管兩紛紛
平明分手空江轉惟有猿聲滿水雲

秋閨思

張仲素

秋天一夜淨無雲斷續鴻飛到曉聞
欲寄征人問消息居延城外又移軍

陪族叔刑部侍郎曄及中書舍人至遊洞庭白
洞庭西望楚江分水盡天南不見雲
日落長沙秋色遠不知何處吊湘君

贈花卿

錦城絲管日紛紛，半入江風半入雲。
此曲祇應天上有人間能得免回聞。

十三元 七絕

過鄭山人所居

劉長卿

寂寂孤鶯啼杏園，寥寥一犬吠桃源。
落花芳草無尋處，萬壑千峰獨閉門。

宮怨

杜牧

監宮引出暫開門，隨例趨朝不是恩。
銀鑰却收金鎖合，月明花落又黃昏。

春怨

劉方平

紗窗日落漸黃昏。金屋無人見。淚痕寂寞閑庭。
春又晚。梨花滿地。不開門。

種花

李商隱

風露淒淒秋景繁。可憐榮落在朝昏。未央宮裡
三千女。但保紅顏莫保恩。

宮詞

朱可久

寂寂花時閉院門。美人相並立瓊軒。含情欲說
宮中事。鸚鵡前頭不敢言。

集靈臺

張祐

虢國夫人承主恩。平明騎馬入金門。却嫌脂粉
污顏色。淡掃蛾眉朝至尊。

折楊柳宮詞

王貞白

枝、交影鎖長門。嫩色曾沾雨露恩。鳳輦不來
春欲暮。空留鶯語到黃昏。

河邊枯木

長孫佐輔

野火燒枝水洗根。數圍枯木半心存。應是無稅

承雨露却將春色寄苔痕

泛軍行

王昌齡

大漠風塵日色昏紅旗半掩出轅門
前軍夜戰洮河冰已報生擒吐谷渾

上皇西巡南京歌

李白

劍閣重關屬江門上皇歸馬若雲屯
少帝長安開紫極雙懸日月照乾坤

漫興

杜甫

嬾慢無堪不出村呼童自在掩柴門
蒼苔濁酒林中靜碧水春風野外昏

喜聞盜賊蕃寇總退口號

崆峒西極過崑崙馳馬由來擁國門
逆氣數年吹路斷蕃人聞道斬星奔

其五

今春喜氣滿乾坤南江東西拱至尊
大曆三年調玉燭玄元皇帝聖雲孫

蕭八明府寔處覓桃栽

奉乞桃栽一百根，春前為送浣花村。
河陽縣裡雖無數，濯錦江邊未滿園。

喜聞河北諸道節度使入朝

李相將軍擁劔門，白頭唯有赤心存。
竟能盡說諸侯入，知有從來天子尊。

少年行

莫笑田家老瓦盆，自沽盛酒長兒孫。
傾銀注玉

驚人眼，共醉終須卧竹根。

晚春

誰將春色收歸去，燉綠妖紅半不存。
榆莢抵能隨柳絮，等閑撩亂走空園。

過鴻溝

龍疲虎困割川原，億萬蒼生性命存。
誰勸君王回馬首，真成一擲覩乾坤。

和李司勳過連昌宮

意是

夾道疎槐出老根，高甍巨桶壓山原。
宮前遺老來相問，今是開元免葉孫。

十四寒 七絕

送李侍郎赴常州

賈至

雪晴雲散北風寒，楚水吳山道路難。
今日勸君須盡醉，明朝相憶路漫漫。

重別李評事

莫道秋江離別難，舟船明日是長安。
吳姬緩舞留君醉，隨意青楓白露寒。

李倉曹宅夜飲

霜天留飲故情惟銀燭金爐夜不寒
欲問吳江別來意青山明月夢中看

封獻大夫破播仙凱歌 岑參

官軍西出破樓蘭
營月傍臨月窟寒
蒲海曉霜凝馬尾
葱山夜雪撲旌竿

逢入京使

故園東望路漫漫
雙袖龍鍾淚不乾
馬上相逢欲紙筆
憑君傳語報平安

宿昭應

武帝祈靈太乙壇
新豐樹色繞千官
那知今夜長生殿
獨閉空山雪影寒

竹枝詞

劉禹錫

瞿塘嘈嘈十二灘
此中道路古來難
長恨人心不如水
等閒平地起波瀾

古調

衛象

鵲血調弓濕未乾
鷓鴣新淬劍光寒
遼東老將

意是

髮成雪猶向旄頭夜夜看

折楊柳宮詞

王貞白

嫩葉初齊不耐寒和風時拂玉闌干君王去日
曾攀折泣雨傷春翠黛殘

郡中即事

楊士諤

紅衣落盡暗香殘葉上秋香白露寒越女含情
已無限莫教長袖倚闌干

咏史

商隱

北風南埭水漫漫一片降旗百尺竿三百年間
同曉愛鐘山何處有龍蟠

華清宮

崔魯

草遮回磴絕鳴鳶宮樹深深碧殿寒明月自來
還自去更無人倚玉闌干

解悶

先帝貴妃今寂寞荔枝還復入長安炎方每續
朱櫻獻玉座應悲白露團

Handwritten text in vertical columns, likely bleed-through from the reverse side of the page. The characters are faint and difficult to decipher.

十五剛 七絕

涼州詞

王之渙

黃沙遠上白雲間，
一片孤城萬仞山。
羌笛何須怨楊柳，
春風不度玉門關。

塞上聽笛

高適

雪淨胡天牧馬還，
月明羌笛戍樓間。
借問梅花何處落，
風吹一夜滿關山。

休假日訪王侍御不遇

九日馳驅一日閒，尋君不遇又空還。
怪來詩思清人骨，門對寒流雪滿山。

江陵使至汝州

回看巴路在雲間，寒食離家麥熟還。
日暮數峯青似染，商人說是汝州山。

寄孫山人

新林二月孤舟還，水滿清江花滿山。
借問故園隱君子，時來去住人間。

劉阮山

芙蓉脂肉綠雲鬟，
畫樓臺清黛山千樹桃花
萬年樂不知何事憶人間

和孫明府懷舊山

五柳先生本在山，偶然為客落人間。
秋來見月多歸思，自去開籠放白鷗。

題四皓廟

避秦安漢出藍關，松桂花陰滿舊山。
自是無人

有歸意白雲常在水潺

漫書

長擬求閒未得閒又勞行役出秦關
逢人漸覺鄉音異却恨鶯聲似故山

華清宮

漁陽烽火照函關玉輦匆匆下此山
一曲霓裳聽不盡至今遺恨水潺

泛軍行

王昌令

秦時明月漢時關萬里長征人未還
便使龍城飛將在不教胡馬度陰山

李白

帝寵賢王入楚關掃清江漢始應還
初從雲夢開朱邸更取金陵作小山

早發白帝城

朝辭白帝彩雲間千里江陵一日還
兩岸猿聲啼不住輕舟已過萬重山

別內赴徵

王命三徵去未還，明朝離別出吳關。
白玉高樓看不見，相思須上望夫山。

陪族叔刑部侍郎曄及中書舍人賈至遊洞庭

帝子瀟湘去不還，空餘秋草洞庭間。
淡掃明湖開玉鏡，丹青画出是君山。

山中問答

李白

問予何事栖碧山，笑而不答心自閒。
桃花流水杳然去，別有天地非人間。

寄韓鵬

李頎

為政心閒物自閒，朝看飛鳥暮飛還。
寄書河上神明宰，羨爾城頭姑射山。

晚秋次山寺

僧皎然

秋風落葉滿空山，古殿殘燈石壁間。
昔日徑行

人去盡開雲夜、自飛還

邊庭春怨

蘆花

春衣昨夜過榆關，故國烟花想已殘。少婦不知歸未得，朝、應上望天山。

遣興

韓愈

斷送一生惟有酒，尋思百計不如閒。莫憂世事兼心事，須著人間比夢間。

一先 七言絕句

楓橋夜泊

張繼

月落烏啼霜滿天，江楓漁火對愁眠。姑蘇城外寒山寺，夜半鐘聲到客船。

尋盛禪師蘭若

劉長卿

秋草黃花覆古阡，隔林何處起人烟。山僧獨在山中老，惟有寒松見少年。

登寶意寺上方舊遊

韋應物

翠嶺香臺半出天，萬家烟樹滿晴川。諸僧近住不相識，坐聽微鍾記往年。

江村即事

司空曙

罷釣歸來不繫船，江村月落正堪眠。縱然一夜風吹去，只在蘆花淺水邊。

西亭

李商隱

此夜西亭月正圓，踈簾相伴宿風烟。梧桐莫更翻清露，孤鶴送來不得眠。

憶事

元稹

夜深閑到戟門邊，却繞行廊又獨眠。明月滿庭池水綠，桐花隨在翠簾前。

江樓書感

趙嘏

獨上江樓思渺然，月光如水水連天。同來翫月人何在，風景依稀似去年。

韋處士郊居

雍陶

滿庭詩景飄紅葉，繞砌琴聲滴暗泉。門外晚晴

秋色老蕭條寒玉一溪烟

貧居春怨

貧居盡日冷風烟獨向簷床看兩眠寂莫春風
花落盡滿庭榆莢似秋天

寄襄陽章孝標

雍陶

青油幕下白雲邊日、空山夜、泉、聞說小齋
多野意枳花陰裏麝香眠

鄭瓘協津

杜牧

廣文餘韻留樗散鷄犬圖書共一船自說江湖
不歸事阻風中酒過年、

曲江春草

鄭谷

花落江堤簇暖烟雨餘草色遠相連香輪莫輾
青、破留與遊人一醉眠

病中遣妓

司空曙

萬事傷心在目前一身憔悴對花眠黃金用盡
教歌舞留與他人樂少年

宋氏林亭

薛能

地濕沙青雨後天，桃花紅近竹林邊。
行人本是農桑客，記得春深欲種田。

除夜

高適

旅館寒燈獨不眠，客心何事轉凄然。
故鄉今夜思千里，秋髮明朝又一年。

送常評事

王維

欲逐將軍取石賢，沙場走馬向居延。
遙知漢使

蕭關外，愁見孤城落日邊。

踏歌行

劉禹錫

新詞宛轉遞相傳，振袖傾鬟風露前。
月落烏啼雲雨散，遊人陌上拾花鈿。

少年行

王維

新豐美酒斗十千，咸陽游侠多少年。
相逢意氣為君飲，繫馬高樓垂柳邊。

私成口號誦示裴迪

萬戶傷心生野烟，百官何日更朝天。
秋槐葉落空宮裏，凝碧池頭奏管絃。

送元絡

張籍

春日同遊漳水邊，如今重說恨綿綿。
天涯相見還相別，客路秋風又幾年。

永玉東巡歌

李白

試問君王玉馬鞭，持揮戎虜坐瓊筵。
南風一掃胡塵靜，西入長安到日邊。

陪族叔刑部侍郎曄及中書賈舍人至遊洞庭

南湖秋水夜無煙，耐可乘流直上天。
且就洞庭賒月色，將船買酒白雲邊。

又

洛陽才子謫湘川，元禮同舟月下仙。
記得長安還欲笑，不知何處是西天。

望廬山瀑布水

日照香爐生紫烟，遙看瀑布挂前川。
飛流直下

三千尺疑是銀河落半天

漫興

糝徑楊花鋪白毡。點溪荷葉疊青錢。筍穿稚子無人見。沙上鳧雛傍母眠。

解悶

復憶襄陽孟浩然。清詩句句盡堪傳。即今耆舊喪新語。漫釣槎頭縮項鱸。

絕句

兩箇黃鸝鳴翠柳。一行白鷺上青天。寒含西嶺千秋雪。門泊東吳萬里船。

題臨瀧寺

不覺離家已五千。仍將衰病入瀧船。潮陽未到吾能說。海氣昏昏水拍天。

二蕭 七言絕句

寄楊州韓綽判官

杜牧

青山隱隱水迢迢，秋盡江南草木凋。
二十四橋明月夜，玉人何處教吹簫。

懷吳中馮秀才

長洲苑外草蕭蕭，却笑遊程歲月遙。
唯有別時今不忘，暮烟秋雨過楓橋。

赤壁

折戟沉沙鐵未銷，自將磨洗認前朝。
東風不與周郎便，銅雀春深鎖二喬。

江南曲

韓翃

長樂花枝兩點銷，江城日暮好相邀。
春樓不閉歲隄鎖，綠水回通宛轉橋。

題葉道士山房

顧况

水邊楊柳赤欄橋，洞裏神仙碧玉簫。
近得麻姑書信否，潯陽江上不通潮。

偶題

李商隱

小院閒眠微醉消，山榴海栢枝相交。
水紋簾上琥珀枕，傍有墮釵雙翠翹。

塞下曲

張仲素

三戍漁陽再度遼，驛弓在臂劍橫腰。
匈奴似款知名姓，休傍陰山更射雕。

春

高蟾

明月斷魂清藹，平蕪歸思綠迢迢。
人生莫遣

頭如雪，縱得春風亦不消。

秋色

吳融

染不成，乾盡未消霏。拂、又迢、曾漫建業
城邊過蔓草，寒烟鎖六朝。

寄維揚故人

張喬

離別河邊，館柳條。千山萬水，玉人遙。月明記得
相思處，城鎖東風十五橋。

贈日東瑩禪師

鄭谷

故國無心渡海潮，老禪方丈倚中條。夜深雨絕
松堂靜，一點山螢照寂寥。

竹枝詞

劉禹錫

日出三竿春霧消，江頭蜀客繫蘭橈。欲寄征夫
書一紙，家住成都萬里橋。

早梅

戎昱

一樹寒梅白玉條，迥臨村落傍溪橋。應緣近水
花先發，疑是經春雪未消。

一似東華白雲山
仙鶴巢
高枝採不覺輕翻
仙鶴巢

高枝採不覺輕翻
仙鶴巢

高枝採不覺輕翻
仙鶴巢

高枝採不覺輕翻
仙鶴巢

三爻 七言絕句

採松花

姚合

擬服松花無處學
嵩陽道士忽相教
今朝試上高枝採
不覺輕翻仙鶴巢

[Faint bleed-through text from the reverse side of the page]

四豪 七言絕句

正音 春宮曲

王昌齡

昨夜風開露井桃，未央前殿月輪高。
平陽歌舞承新寵，
簾外春寒賜錦袍。

五歌
七言絕句
聽舊宮人穆氏歌
劉禹錫
曾隨織女渡天河
記得雲間第一歌
休唱貞元
供奉曲
當時朝士已無多
採蓮曲
賀知章
稽山罷霧鬱
嵯峨鏡水無風也
自波莫言春度
芳菲盡
別有中流採芰荷

五歌 七言絕句

聽舊宮人穆氏歌

劉禹錫

曾隨織女渡天河
記得雲間第一歌
休唱貞元

供奉曲
當時朝士已無多

採蓮曲

賀知章

稽山罷霧鬱
嵯峨鏡水無風也
自波莫言春度
芳菲盡
別有中流採芰荷

咸陽

杜牧

咸陽宮闕鬱嵯峨，六國樓臺艷綺羅。自是當時
天帝醉，不關秦地有山河。

同金壇令武丰一退朝湖 儲光羲

朝來仙閣聽絃歌，暝入花亭見綺羅。池邊命酒
憐風月，浦口還船惜芰荷。

贈崔九 劉長卿

憐君一見一悲歌，歲久無如老去何。白屋漸看
秋草沒，青雲莫道故人多。

閭行 張籍

老身不計人間事，野樹秋晴每見過。病眼較來
猶斷酒，却嫌行處菊花多。

宮中詞 王建

魚藻宮中鎖翠娥，先皇行處不曾過。如今池底
休鋪錦，菱角雞頭積漸多。

堤上行 王涯

江南江北望烟波，入夜行人相應歌。桃葉傳情

竹枝怨水流無限月明多

經汾陽舊宅

趙嘏

門前不改舊山河破虜曾經馬伏波今日濁經
歌舞地古槐疎冷夕陽多

宛陵館冬青樹

趙嘏

碧樹如烟覆晚波清秋欲盡客重過故園亦有
如烟樹鴻鴈不來風雨多

七里灘送嚴維

劉長卿

秋江渺、水空波越客孤舟欲傍歌手折衰楊
悲老大故人零落已無多

宮詞

顧況

玉樓天半起笙歌風送宮嬪笑語和月殿影間
聞夜漏水晶簾捲近秋河

臨潭池見蕃使列名

李益

漢南春色到潭池邊柳青、塞馬多萬里江山
今不開漢家頻許郅支和

贈少年

溫庭筠

江海相逢客恨多，秋風葉下洞庭波。酒酣夜別
淮陰市，月照高樓一曲歌。

送賀賓客歸越

李白

鏡湖流水漾清波，狂客歸舟逸興多。山陰道士
如相見，應寫黃庭換白鵝。

承聞河北諸道節度入朝歡喜口號

東逾遼水北溱洧，星象風雲喜色味。紫氣臨關

天地潤黃金臺貯俊賢多

湘中

韓愈

猿愁魚躍水翻波，自古流傳是汨羅。蘋藻滿盤
無處奠，空聞漁父扣舷歌。

聞梨花發贈劉師命

桃蹊惆悵不能過，紅艷紛紛落地多。聞道郭西
千樹雪，欲將君去醉如何。

[Faint bleed-through text from the reverse side of the page]

六麻 七言絕句

寒食

劉禹錫

春城無處不飛花，寒食東風御柳斜。
日暮漢宮傳蠟燭，輕烟散入五侯家。

聽鄰家吹笙

鳳吹聲如隔綵霞，不知牆外是誰家。
重門深鎖無尋處，疑有碧桃千樹花。

題明惠上人房

秦系

膳前朝暮雨添花，八十吳僧飯熟麻。入定幾時
還出定，不知巢燕污袈裟。

逢賈島

張籍

僧房逢著款冬花，出寺行吟日已斜。十二街中
春雪遍，馬蹄今去入誰家。

烏衣巷

劉禹錫

朱雀橋邊野草花，烏衣巷口夕陽斜。舊時王謝
堂前燕，飛入尋常百姓家。

阿嬌怨

望見歲粧舉翠華，試開金屋掃庭花。須臾宮女
傳來信，言幸平陽公主家。

泊秦淮

杜牧

烟籠寒水月籠沙，夜泊秦淮近酒家。商女不知
亡國恨，隔江猶唱後庭花。

華清宮

王建

酒陽高樓一百家，宮前楊柳寺前花。內園不
得

意

溫湯水二月中旬已進瓜

退宮人

杜牧

閒吹玉殿昭華管，醉折梨園縹帶花。十年一夢歸人世，絳綫猶封繫臂紗。
遺向送元使君自楚移越

劉商

霏冕行春向若耶，野人懷惠欲移家。東風二月淮陰道，唯見棠梨一樹花。

和令狐相公別院牡丹 王涯

平章宅裏一欄花，臨到開時不在家。莫道兩京非遠別，春明門外即天涯。

山行

杜牧

遠上寒山石徑斜，白雲深處有人家。停車坐愛楓林晚，霜葉紅於二月花。

客有卜居不遂薄遊汧隴因題 許渾

海燕西飛白日斜，天門遙望五侯家。樓臺深鎖無人到，落盡春風第一花。

花下醉

尋芳不覺醉流霞，倚樹沉眠日已斜。
客散酒醒深夜後，更持紅燭賞殘花。

過南鄰花園

雍陶

莫怪頻過有酒家，多情長是惜年華。
春風堪賞還堪恨，纔見開花又落花。

城西訪友人別墅

澧水橋邊小築斜，日高猶未到君家。
村園門巷

多相似處，春風枳殼花。

小遊仙

曹唐

方士飛軒駐碧霞，酒香風冷月初斜。
不知誰唱春歸曲，落盡谿頭白玉花。

旅夕

高蟾

風散古陂驚宿鴈，月臨荒戍起啼鴉。
不堪吟斷無人見，時復寒燈落一花。

曲江春望

唐彦謙

意選

八

杏豔桃嬌奪晚霞，樂遊無廟有年華。漢朝射蓋
皆陵墓，十里宜春下苑花。

雨晴

雨前初見花間葉，雨後全無葉底花。映蝶飛來
過牆去，却疑春色在鄰家。

襄漢旅道軍後有感

水自潺湲日自斜，韓 屋
如寒食，不見人烟空見花。

寄人

張泌

別夢依稀到謝家，小廊迴合曲欄斜。多情只有
春庭月，猶為離人照落花。

秋塘曉望

吳商浩

鐘盡疎桐散宿鴉，故山烟樹隔天涯。西風一夜
秋塘曉，零落幾多紅藕花。

天津橋春望

雍陶

天津橋春水浸紅霞，烟柳風絲拂岸斜。翠輦不來

金殿閉宮鶯嘶出上陽花

訓李穆

孤舟相訪至天涯
萬轉雲山路更斜
欲掃柴門迎遠客
青苔黃葉滿貧家

贈張千年

韓翃

蓬萊闕下是天家
上苑新回白鼻驕
急管畫吹平樂酒
春衣夜宿杜陵花

贈魏三十七

李羣玉

名珪似玉淨無瑕
美譽芳聲有數車
萬放燭光高二丈
來年燒殺杏園花

西歸出斜谷

雍陶

行過險棧出褒斜
出盡平村似到家
無限客愁今日散
馬頭初見米囊花

隋宮

鮑容

柳塘烟起日西斜
竹浦風回鴈弄沙
煬帝春遊古城在
壞宮芳草滿人家

意

古

張道士山居題

秦系

盤石垂蘿即是家，回頭猶看五枝花。
松間寂寂無烟火，應服朝來一片霞。

朝史寰

王維

清風細雨濕梅花，驟馬先過碧玉家。
正值楚王宮女至，門前初下七香車。

楊柳枝詞

劉禹錫

輕盈嫋娜占年華，舞榭收樓處處遮。
春盡絮飛

留不得，隨風好去落誰家。

浪淘沙詞

洛水橋邊春日斜，碧流清淺見瓊沙。
無端陌上狂風急，驚起鴛鴦出浪花。

道州寄東館諸賢

呂溫

東池送客醉年華，聞道風流勝習家。
獨卧郡齋寥落意，隔簾微雨濕梨花。

訪李少卿不遇

錢起

畫戟朱樓映晚霞，高梧寒桺度飛鴉。門前不見歸軒跡，城上愁看落日斜。

宮人斜

竇鞏

離宮繞路址原斜，生死深恩不到家。雲雨今歸何處去，黃鸝飛上海棠花。

郵亭殘花

張祐

雲暗山橫日欲斜，郵亭下馬看殘花。自從身逐征西府，每到花時不在家。

山房春事

岑參

梁園日暮亂飛鴉，極目蕭條三兩家。庭樹不知人去盡，春來還發舊時花。

永王東巡

李白

山川壯虜亂如麻，四海南奔似永嘉。但用東山謝安石，為君談笑靜胡沙。

巴陵贈賈舍人

賈生西望憶京華，湘浦南遷莫怨嗟。聖主恩深

漢文帝憐君不遣到長沙

陌上贈美人

駿馬驕行踏落花，垂鞭直拂五雲車。
美人一笑褰珠箔，遙指红楼是妾家。

與史郎中欽聽黃鶴樓吹笛

一為遷客去長沙，西望長安不見家。
黃鶴樓中吹玉笛，江城五月落梅花。

宣城見杜鵑花

蜀國曾聞子規鳥，宣城還見杜鵑花。
一叫一迴腸一斷，三春三月憶三巴。

江畔獨步尋花

江深竹靜兩三家，多是紅花映白花。
報答春光知有處，應須美酒送生涯。

春雪

韓愈

新年都未有芳華，二月初驚見草芽。
白雪却嫌春色晚，故穿庭樹作飛花。

[Faint bleed-through text from the reverse side of the page]

七陽 七言絕句

月夕

草下陰蟲帶早霜
朱欄迢遞壓湖光
兔寒蟾冷
桂花白
此夜嫦娥應斷腸

西宮春怨

王昌齡

西宮夜靜百花香
欲捲珠簾春恨長
斜抱雲和
深見月
隴樹色隱昭陽

青樓曲

白馬金鞍從武皇，旌旗十萬宿長楊。
樓頭小嬾鳴箏坐，遙見飛塵入建章。

西宮秋怨

芙蓉不及美人粧，水殿風來珠翠香。
却恨含啼掩秋扇，空懸明月待君王。

寄穆侍御出幽州

從恩譴度瀟湘，塞北江南萬里長。
莫道蘄門書信少，鴈飛猶得到衡陽。

宮怨

李益

霧濕晴光春殿香，月明歌吹在昭陽。
似將海水添宮漏，共滴長門一夜長。

夜上受降城聞笛

回樂峯前沙似雪，受降城外月如霜。
不知何處吹蘆管，一夜征人盡望鄉。

昭陽曲

昨夜承恩宿未央，羅衣猶帶御爐香。
芙蓉帳小

雲屏暗楊柳風多水殿涼

贈彈箏者

天寶年中事玉皇，曾將新曲教寧王。鈿蟬金鳳皆零落，一曲伊州淚萬行。

折楊柳宮詞

水殿年年占早芳，柔條偏惹御爐香。而今萬乘多巡狩，輦路無陰綠草長。

山亭夏日

高駢

綠樹陰濃夏日長，樓臺倒影入池塘。水晶簾動微風起，滿架薔薇一院香。

昨夜

李商隱

不辭鶉鴉妬年芳，但惜流塵暗洞房。昨夜西亭涼露滿，桂花吹斷月中香。

渡桑乾

賈島

客舍并州已十霜，歸心日夜憶咸陽。無端更渡桑乾水，却望并州是故鄉。

春題華陽觀

白居易

帝子吹簫逐鳳凰，空留仙洞號華陽。
落花何處堪惆悵，頭白宮人掃影堂。

題天台寺壁

任翻

絕頂新秋生夜涼，鶴翻松露滴衣裳。
前峰月照半江水，僧在翠微開竹房。

送友人

薛濤

水國蒹葭夜有霜，月寒山色共蒼蒼。
誰言千里

自今夕，離夢杳如閑塞長。

宿杭州虛白堂

李郢

秋月斜明虛白堂，寒蛩唧唧樹蒼蒼。
江風激曉不得寐，二十五聲秋點長。

初入諫司喜家室至

竇群

一旦悲歡見孟光，十年辛苦伴滄浪。
不知筆硯綠封事，猶問傭書日幾行。

與從弟同下第出關

盧綸

出閨愁暮一沾裳滿野蓬生古戰場孤村樹色
昏殘雨遠寺鐘聲帶夕陽

送杜十白之江南

孟浩然

荆吳相接水為鄉君去春江正淼茫日暮孤舟
何處泊天涯一望斷人腸

夜發袁江寄李穎川侍

戴叔倫

半夜回舟入楚鄉月明山水與蒼蒼孤猿更叫
秋風裏不是愁人赤斷腸

送別魏二

王昌齡

醉別江樓橘柚香江風引雨入船涼憶君遙在
湘山月愁聽清猿夢裏長

巴陵夜別辛八員外

賈至

柳絮飛時別洛陽梅花發後在三湘世情已逐
浮雲散離恨空隨江水長

正聲 塞下曲

常建

玉帛朝回望帝鄉烏孫歸去不稱王天涯靜處

無正戰兵氣銷為日月光

萼嶺四望

皇甫曾

漢家仙仗在咸陽洛水東流出建章野老至今
猶望幸離宮秋樹獨蒼

客中行

李白

蘭陵美酒鬱金香玉碗盛來琥珀光但使主人
能醉客不知何處是他鄉

口號吳王美人半醉

風動荷花水殿香姑蘇臺上見吳王西施醉舞
嬌無力笑倚東窗白玉床

橫江詞

海潮南北過潯陽牛渚由来險馬當橫江欲渡
風波惡一水牽愁萬里長

永王東巡歌

雷鼓嘈嘈喧武昌雲旗獵獵過潯陽秋毫不犯
三吳悅春日邊看五色光

清平調詞

一枝穠艷露凝香，雲雨巫山枉斷腸。借問漢宮誰得似，可憐飛燕倚新粧。

少年行

馬上誰家白面郎，臨墻下馬坐人床。不通姓字
麤豪甚，指點銀餅索酒嘗。

八庚 七言絕句

獻封大夫破播仙凱歌 岑 參

日落轅門鼓角鳴，千羣萬縛出蕃城。洗兵溷海
雲迎陣，秣馬龍堆月照營。

新息道中作 劉長卿

蕭條獨向汝南行，客路多逢漢騎營。古竹蒼々
離亂後，幾家同住一孤城。

滁州西澗 韋應物

獨憐幽草澗邊生，上有黃鸝深樹鳴。
春潮帶雨晚來急，野渡無人舟自橫。

題蘭若

崔峒

絕頂茅庵老此生，寒雲孤木伴經行。
世人那得知幽徑，遙向青峰禮磬聲。

旅次寄湖南張郎中

戎昱

寒江近戶漫流聲，竹影當牕亂月明。
歸夢不知湖水闊，夜來還到洛陽城。

移家別湖上亭

好是春風湖上亭，柳條藤蔓繫離情。
黃鸝久住潭相識，欲別頻啼四五聲。

唐昌觀玉蕊花

王建

一樹龍蔥玉刻成，飄廊點地色輕。
女冠夜覓香來處，唯見階前碎月明。

宮詞

金吾除夜進儺名，畫袴朱衣四隊行。
院、曉、燈

意

九

如白日沉香火裏坐吹笙

竹枝詞

劉禹錫

楊柳青青江水平，聞郎江上唱歌聲。東邊日出西邊雨，道是無情還有情。

與歌者何戡

二十餘年別帝京，重聞天樂不勝情。舊人唯有何戡在，更與殷勤唱渭城。

蹋歌詞

春江月上大隄平，隄上女郎連袂行。唱盡新詞懽不見，紅霞映樹鷓鴣鳴。

昇宮

李商隱

龍檻沉沉水殿清，禁門深掩斷人聲。吳王宴罷滿宮醉，日暮水漂花出城。

後宮詞

白居易

淚盡羅巾夢不成，夜深前殿按歌聲。紅顏未老恩先斷，斜倚熏籠坐到明。

暮春滙水送別

韓琮

綠暗紅稀出鳳城，暮雲宮闕古今情。行人莫聽
宮前水流盡，年光是此聲。

華清宮

杜常

行盡江南數十程，晚風殘月入華清。朝元閣上
西風急，都入長楊作雨聲。

涼思

吳融

松間小檻接波平，月淡烟沉暑氣清。夜半水禽

栖不定，綠荷風動露珠傾。

琵琶怨

溫庭筠

冰簟銀床夢不成，碧天如水夜雲輕。鴈聲遠過
瀟湘去，十二樓中月自明。

宿石門山居

雍陶

憲燈欲滅夜寒生，螢火飛來蛩蟻鳴。宿客幾回
眠又起，一溪春水枕邊聲。

過華清宮

李約

君王遊樂萬稅輕，一曲霓裳四海兵。玉輦升天人已盡，故宮猶有樹長生。

公子

羅鄴

雕鞍玉勒照花明，過後香風特地生。半醉五侯門裏客，月高猶在禁街行。

從軍行

王昌齡

琵琶起舞換新聲，總是關山離別情。撩亂邊愁聽不盡，高、秋月照長城。

雜詩

無名氏

戍定河邊暮，笛聲赫連臺畔。旅人情，函關歸路，千餘里。一夕秋風白髮生。

橫江詞

李白

橫江館前津吏迎，向余東指海雲生。郎今欲渡緣何事，如此風波不可行。

春夜洛城聞笛

誰家玉笛暗飛聲，散入春風滿洛城。此夜曲中

開折柳何人不起故鄉情

贈汪倫

李白乘舟將欲行，忽聞岸上踏歌聲。
桃花潭水深千尺，不及汪倫送我情。

奉和嚴鄭公軍城早秋 杜甫

秋風嫋嫋，動高旌。玉帳分弓射虜營，已收瀟博雲間戍，欲奪蓬婆雪外城。

書堂飲既夜，復邀李尚書下馬月下賦

絕句

湖水林風相與清，殘罇下馬復同傾。
久拚野鶴如雙鬢，遮莫鄰雞下五更。

榴花

韓愈

五月榴花照眼明，枝間時見子初成。
可憐此地無車馬，顛倒青苔落絳英。

盆池

莫道盆池作不成，藕梢初種已齊生。
從今有雨

君須記來聽瀟、打葉聲

和武相公早春聞鶯

早晚飛來入錦城、誰人教解百般鳴、春風紅樹
驚眠處、似妬歌童作豔聲

九青 七言絕句

秋夕

銀燭秋光冷畫屏、輕羅小扇撲流螢、天階夜色
涼如水、卧看牽牛織女星

題城樓

鳴軋江樓角一聲、微陽漱、落寒汀、不用憑闌
苦回首、故鄉七十五長亭

龍池

李商隱

意選

龍池賜酒敵雲屏，羯鼓聲高衆樂停。
夜半燕歸宮漏永，薛王沉醉壽王醒。

寒食寄京師諸弟 常應物

雨中禁火空齋冷，江上流鶯獨坐聽。
把酒看花想諸弟，杜陵寒食草青青。

小樓 儲嗣宗

松杉風外亂山青，曲几焚香對石屏。
記得去年春雨後，燕泥時污太玄經。

華陽宮

陸龜蒙

蓮花峯下得佳名，雲褐相兼上鶴翎。
須是古壇秋霽後，靜焚香炷禮寒星。

十蒸 七言絕句

連駕西遊因而有作

溫庭筠

宣曲長陽瑞氣凝上林狐兔待秋鷹誰將詞賦
陪雕輦寂寞相如卧茂陵

經秦王墓

許渾

龍盤虎踞樹層層勢入浮雲亦是崩一種青山
秋艸裏踏人惟拜漢文陵

[Faint bleed-through text from the reverse side of the page]

十一尤 七言絕句

送人

岑參

西原驛路掛城頭，客散江亭雨未收。
君去試看汾水上，白雲猶似漢時秋。

送裴郎中貶吉州

劉長卿

猿啼客散暮江頭，人自傷心水自流。
同作逐臣君更遠，青山萬里一孤舟。

酬曹侍御過象縣見寄

柳宗元

破額山前碧玉流，騷人遙駐木蘭舟。春風無限
瀟湘意，欲採蘋花不自由。

涼州詞

鳳林閣裏水東流，白帶黃榆六十秋。邊將皆承
主恩澤，無人解道取涼州。

青樓怨

王昌齡

香幃風動花入樓，高調鳴箏緩夜愁。腸斷關山
不解說，依稀殘月下簾鉤。

君去春山誰共遊
鳥啼花落水空流
如今送別臨谿水
他日相思來水頭

采蓮曲

戎昱

潯陽女兒花滿頭
毵々同泛木蘭舟
秋風日暮南湖裏
爭唱菱歌不肯休

堤上行

劉禹錫

酒旗相望大堤頭
堤下連橋堤上樓
日暮行人爭渡急
槳聲出亂中流

同李十一醉憶无九

白居易

花時同醉破春愁，醉折花枝當酒籌。忽憶故人天際去，計程今日到梁州。

從秦城回再題武關

李涉

遠別秦城萬里遊，亂山高下入商州。關門不鎖塞溪水，一夜潺湲送客愁。

胡渭州

張祐

亭：孤月照行舟，寂寂長江萬里流。鄉國不知

何處是，雲山漫使人愁。

南莊春晚

李羣玉

草暖莎長望去舟，微茫烟浪向巴丘。沅湘寂寂春歸盡，水綠蘋香人自愁。

謝亭送客

許渾

勞歌一曲解行舟，紅樹青山水急流。日暮酒醒人已遠，滿天風雨下西樓。

秋思

意

一百六

琪樹西風枕簟秋。楚雲湘水憶同遊。高歌一曲
掩明鏡。昨日少年。今白頭。

楚吟

李商隱

山上離宮。上樓。前宮。暮江流。楚天長。短
黃昏雨。宋玉無愁亦自愁。

宿嘉陵驛

離思茫茫。正值秋。每因風景。却生愁。今宵難作
刀州夢。月色江聲共一樓。

水紋珍筆思悠々千里佳期一夕休從此無心
愛良夜任他明月下西樓

訪隱者不遇

竇 鞏

離外消々澗水流種花半照夕陽收欲題名字
知相訪又恐芭蕉不耐秋

春詞

劉禹錫

新粧宜面下朱樓深鎖春光一院愁行到中庭
數花朵晴蜓飛上玉搔頭

赴連州諸公置酒相送

謫在三湘最遠州。邊鴻不到水南流。如今暫寄
尊前笑。明日辭君步。愁。

丰舍人竹樓

李嘉祐

傲吏身閒笑五侯。西江取竹起高樓。南風不用
蒲葵扇。紗帽閒眠對水鷗。

邊詞

姚合

將軍作鎮古汧州。水臙山春節氣柔。清夜滿城

絃管沸。行人不信是邊頭。

宮詞

長孫翱

一道甘泉接御溝。上皇行處不曾秋。誰言水是
無情物。也到宮前咽不流。

有別

崔道融

且將絲線繫蘭舟。醉下烟汀減去愁。江上有樓
君莫上。落花隨浪正東流。

寫懷

高駢

意

百九

漁竿消日酒消愁。一醉忘情萬事休。却恨韓彭
興漢室。功成不向五湖遊。

夕陽樓

李商隱

花明柳暗繞天愁。上盡重城更上樓。欲問孤鴻
向何處。不知身世自悠悠。

從軍行

烽火城西百尺樓。黃昏獨坐海風秋。更吹羌笛
關山月。無那金閨萬里愁。

送梁六

張說

巴陵一望洞庭秋。日見孤峯水上浮。聞道神仙
不可接。心隨湖水共悠悠。

涼州歌

郭知運

朔風吹葉馬門秋。萬里烟塵昏戍樓。征馬長思
青海上。胡笳夜聽隴山頭。

上汝州廳樓

李益

黃昏吹角似邊州。三十年前上此樓。今日山川

對垂淚傷心不獨為悲秋

舟行夜泊

權德輿

蕭蕭落葉送殘秋寂寞寒波急暝流今夜不知

何處泊斷猿晴月引孤舟

新鴈

杜荀鶴

暮天新鴈起汀洲紅蓼花疎水國秋想得故園

今夜月幾人相憶在江樓

黃雀樓送孟浩然之廣陵 李白

故人西辭黃鶴樓烟花三月下揚州孤帆遠影
碧空盡唯見長江天際流

永王東巡歌

龍蟠虎踞帝王州帝子金陵訪古丘春風試暖
昭陽殿明月還過鸚鵡樓

上皇西巡南京歌

濯錦清江萬里流雲帆龍舸下揚州此地惟誇
上林苑南京還看散花樓

意是

二百一

峨嵋山月歌

峨嵋山月半輪秋，影入平羌江水流。夜發清溪向三峽，思君不見下渝州。

長門怨

天迴北斗桂西樓，金屋無人螢火流。月光欲到長門殿，別作深宮一段愁。

巫山枕障

巫山枕障畫高丘，白帝城邊樹色秋。朝雲夜入

兼雲處，巴水橫天更不流。

解悶

一舞故國十經秋，每見秋瓜憶故丘。今日南湖采菽蕨，何人為覓鄭瓜州。

漫興

腸斷春江欲盡頭，杖藜徐步立芳洲。顛狂柳絮隨風去，輕薄桃花逐水流。

十二侵 七言絕句

嫦娥

李義山

雲母屏風燭影深，長河暫落曉星沉。
姮娥應悔偷靈藥，碧海青天夜夜心。

題張主人壁

張渭

世人結交須黃金，黃金不多交不深。
縱令然諾暫相許，終是悠悠行路心。

東鄰美女歌

宋濟

花暖江城斜日陰。鶯啼繡戶曉雲深。春風不道
珠簾隔。傳得歌聲與客心。

宮鳥栖

趙嘏

宮鳥栖處玉樓深。微月生簷夜夜心。香輦不回
花自發。春來空帶辟寒金。

宮詞

王涯

禁門烟起紫沉沉。樓閣當中複道深。長到暮天
疑不散。掖庭宮裏動秋砧。

聽人流水調子

王昌齡

孤舟澹月對楓林。分付鳴箏與客心。嶺色千重
萬重雨。斷絃收與淚痕深。

江南

毛禛

千里楓林烟雨深。無朝無暮有猿吟。停橈靜听
曲中意。好是雲山韶濩音。

秋夜送趙冽歸襄陽

錢起

斗酒忘言良夜深。紅萱露滴鵲驚林。欲知別後

思今夕漢水東流是寸心

寄遠

趙嘏

禁鐘聲靜見栖禽
閑塞迢迢故國心
無限春愁
莫相問落花流水洞房深

